



LEMBARAN PENDEDAHAN PRODUK

Untuk memahami produk ini dengan lebih baik, sila baca Lembaran Pendedahan Produk ini. Sila pastikan anda juga membaca semua terma-terma dan syarat-syarat am.

PB Cancer Guard

Ditaja jamin oleh: **AIA Bhd.**

PENGEDAR & ALAMAT:

Public Bank Berhad
20th Floor Menara Public Bank
146 Jalan Ampang
50450 Kuala Lumpur

Tarikh: [Tarikh Polisi]

PERKARA-PERKARA YANG ANDA PERLU TAHU

1. Apakah produk ini?

PB Cancer Guard adalah pelan premium tetap tanpa penyertaan yang menyediakan perlindungan komprehensif untuk kanser sehingga umur 80 tahun. Pelan ini juga menawarkan ciri-ciri utama seperti Manfaat Kanser Peringkat Awal, Manfaat Kanser, Manfaat Kanser Jantina Tertentu, Manfaat Set Semula, Manfaat Belas Kasihan Atas Kematian dan Manfaat Kematangan.

2. Apakah perlindungan/manfaat yang disediakan?

Pelan ini melindungi:

	Pelan 1	Pelan 2	Pelan 3	Pelan 4				
Jumlah Diinsuranskan (RM)	50,000	75,000	100,000	150,000				
Manfaat Kanser Peringkat Awal*	30% daripada Jumlah Diinsuranskan <i>(dibayar sekali sahaja)</i>							
i. Karsinoma in situ ii. Kanser Prostat Awal iii. Kanser Tiroid Awal iv. Kanser Pundi Awal v. Leukemia Limfositik Kronik Awal								
Manfaat Set Semula	Mengembalikan manfaat yang boleh dibayar di bawah Manfaat Kanser dan Manfaat Kanser Jantina Tertentu ke amaun penuh, 12 bulan selepas tarikh diagnosis Kanser Peringkat Awal							
Manfaat Kanser**	100% daripada Jumlah Diinsuranskan atau Jumlah Premium Dibayar, yang mana lebih tinggi							
Manfaat Kanser Jantina Tertentu**	200% daripada Jumlah Diinsuranskan atau Jumlah Premium Dibayar, yang mana lebih tinggi							
<table border="1" style="width: 100%;"> <tr> <td style="width: 50%;">Perempuan</td> <td style="width: 50%;">Lelaki</td> </tr> <tr> <td>Satu atau kedua-dua payudara; Satu atau kedua-dua Tiub Fallopio; Satu atau kedua-dua Ovari; Serviks; Uterus; Faraj; atau Vulva.</td> <td>Satu atau kedua-dua testis; Zakar; atau Prostat.</td> </tr> </table>					Perempuan	Lelaki	Satu atau kedua-dua payudara; Satu atau kedua-dua Tiub Fallopio; Satu atau kedua-dua Ovari; Serviks; Uterus; Faraj; atau Vulva.	Satu atau kedua-dua testis; Zakar; atau Prostat.
Perempuan	Lelaki							
Satu atau kedua-dua payudara; Satu atau kedua-dua Tiub Fallopio; Satu atau kedua-dua Ovari; Serviks; Uterus; Faraj; atau Vulva.	Satu atau kedua-dua testis; Zakar; atau Prostat.							
Manfaat Belas Kasihan Atas Kematian (RM)***	2,000	3,000	4,000	6,000				
	<i>Untuk kematian yang bukan disebabkan oleh kemalangan dalam tempoh dua (2) tahun pertama, jumlah premium yang telah dibayar akan dipulangkan tanpa faedah.</i>							
Manfaat Kematangan	100% daripada Jumlah Diinsuranskan							

Nota:

* Amaun yang akan dibayar dibawah Manfaat Kanser Peringkat Awal akan mengurangkan Manfaat Kanser dan Manfaat Kanser Jantina Tertentu dengan amaun yang sama.

**Jika Manfaat Kanser atau Manfaat Kanser Jantina Tertentu didiagnosis dalam tempoh 12 bulan dari tarikh diagnosis Kanser Peringkat Awal, bayaran manfaat yang dinyatakan di atas adalah tertakluk kepada pengurangan bayaran Manfaat Kanser Peringkat Awal. Jika tuntutan bagi Manfaat Kanser dan Manfaat Kanser Jantina Tertentu dibuat pada masa yang sama, hanya satu tuntutan akan dibayar, yang mana paling tinggi, diakui oleh AIA Bhd.

*** Nilai tunai akan dibayar sekiranya ianya lebih tinggi daripada amaun yang dinyatakan di atas.

3. Berapakah premium yang perlu saya bayar?

Jumlah amaun yang anda perlu bayar adalah [RMxx.xx] setiap [bulan] , berdasarkan pelan yang anda pilih, umur penyertaan dan jantina anda.

Tempoh pembayaran premium: sehingga Insured berumur lapan puluh (80) tahun.

Premium ini adalah mendatar sepanjang tempoh polisi.

Kadar premium adalah tidak terjamin dan AIA Bhd. berhak menyemak kadar premium semasa pembaharuan polisi. AIA Bhd. akan memberi 3 bulan notis terdahulu secara bertulis jika semakan tersebut dibuat.

4. Apakah yuran-yuran dan caj-caj yang perlu saya bayar?

Jadual di bawah menunjukkan komisen yang perlu ditanggung, yang termasuk dalam premium yang perlu dibayar:

Tahun Polisi	Komisen (%)
1	10
2	10
3	10
4	5
5	5
6	5
7	5
8	5
9	5
10	5

Komisen yang perlu dibayar adalah berdasarkan kepada amaun premium asal iaitu sebanyak RM [xx.xx].

Sila ambil perhatian bahawa komisen dibayar akan berubah mengikut amaun premium.

Jika anda membayar mod bulanan, jumlah komisen tahunan yang perlu dibayar adalah: (premium bulanan x % komisen mengikut tahun polisi x 12 bulan)

5. Apakah antara terma-terma dan syarat-syarat penting yang perlu saya ketahui?

- (a) **Kepentingan pendedahan** – Anda perlu mendedahkan semua fakta-fakta penting seperti keadaan kesihatan dan menyatakan umur anda dengan betul.
- (b) **Tempoh Percubaan** – Anda boleh membatalkan polisi anda dengan memberi notis bertulis kepada AIA Bhd.. Notis ini mesti ditandatangani oleh anda dan diterima oleh AIA Bhd. dalam tempoh lima belas (15) hari selepas anda menerima polisi tersebut. Premium yang anda telah bayar (ditolak sebarang yuran perubatan yang dikenakan) akan dipulangkan kepada anda.
- (c) **Tempoh Ihsan** – Tempoh ihsan selama tiga puluh satu (31) hari dari tarikh genap tempoh bagi pembayaran setiap premium berikutnya. Jika sebarang premium tetap tidak dibayar pada akhir tempoh ihsan ini, polisi ini mungkin luput, tertakluk kepada nilai tunai polisi.

- (d) **Tempoh menunggu-** Perlindungan untuk manfaat dibawah polisi anda bermula selepas selesai tempoh menunggu dari Tarikh Penyertaan atau Tarikh Mula Polisi ini, yang mana kemudian.

Manfaat Kanser

- Tempoh menunggu selama enam puluh (60) hari untuk Kanser

Manfaat Kanser Peringkat Awal

- Tempoh menunggu selama enam puluh (60) hari untuk Kanser Peringkat Awal

Manfaat Kanser Jantina Tertentu

- Tempoh menunggu selama enam puluh (60) hari untuk Kanser Jantina Tertentu

- (e) **Nilai Penyerahan Tunai** -- Anda boleh menyerahkan polisi anda pada bila-bila masa selepas dua (2) tahun polisi yang pertama untuk nilai penyerahan tunai yang terjamin. Polisi anda tidak akan mempunyai nilai tunai sehingga anda telah membayar premium untuk dua (2) tahun. Sila maklum bahawa semasa penyerahan awal, nilai penyerahan tunai anda mungkin kurang daripada jumlah premium yang dibayar.
- (f) Ia mungkin akan merugikan jika anda bertukar dari satu pelan insurans kepada satu pelan yang lain, kerana anda mungkin dikenakan syarat-syarat pengunderaitan yang baru, tempoh menunggu penuh dan mana-mana tempoh lain yang berkaitan untuk pengecualian penyakit-penyakit tertentu / keadaan-keadaan pra- wujud polisi insurans yang baru.
- (g) Sila simpan salinan penyata kad kredit atau penyata bank sebagai bukti pembayaran.
- (h) **Cukai Kerajaan Yang Berkenaan** – Premium yang dibayar oleh organisasi perniagaan adalah tertakluk kepada cukai yang dikenakan oleh Kerajaan Malaysia pada kadar semasa.

Nota:

Senarai ini adalah tidak menyeluruh. Sila rujuk kepada kontrak polisi untuk terma-terma dan syarat-syarat di bawah polisi ini.

6. Apakah pengecualian utama di bawah polisi ini?

Pengecualian untuk Manfaat Belas Kasihan Atas Kematian:

1. Sekiranya Insured, sama ada siuman atau tidak siuman, membunuh diri dalam masa satu (1) tahun dari Tarikh Penyertaan atau Tarikh Mula, yang mana kemudian, maka liabiliti Kami dibataskan kepada pemulangan semula premium yang dibayar tanpa faedah. Sekiranya berlaku pengembalian semula, pembayaran balik premium tersebut akan dikira dari Tarikh Mula.

Pengecualian untuk Manfaat Peringkat Awal Kanser , Manfaat Kanser dan Manfaat Kanser Jantina Tertentu:

1. Sebarang penyakit selain daripada Kanser Peringkat Awal, Kanser atau Kanser Jantina Tertentu seperti yang ditakrifkan;
2. Kanser Peringkat Awal, Kanser atau Kanser Jantina Tertentu, di mana tanda-tanda atau gejala-gejala, yang pertama kali berlaku dalam tempoh enam puluh (60) hari selepas Tarikh Penyertaan atau Tarikh Mula Polisi ini, yang mana kemudian;
3. Kanser Peringkat Awal, Kanser atau Kanser Jantina Tertentu yang disebabkan secara langsung atau tidak langsung akibat Keadaan Sedia Ada seperti yang ditakrifkan, yang wujud sebelum Tarikh Penyertaan atau Tarikh Mula Polisi ini, yang mana kemudian;
4. Kanser Peringkat Awal, Kanser atau Kanser Jantina Tertentu didiagnosis disebabkan, secara langsung atau tidak langsung, akibat kecacatan kongenital atau penyakit yang ditunjukkan dengan jelas atau didiagnosis sebelum Insured mencapai umur tujuh belas (17) tahun;
5. Kanser Peringkat Awal, Kanser atau Kanser Jantina Tertentu disebabkan oleh kecederaan yang disengajakan;
6. Diagnosis Kanser atau Kanser Peringkat Awal, atau Kanser Jantina Tertentu, yang disebabkan secara langsung atau tidak langsung oleh Sindrom Kurang Daya Tahan Melawan Penyakit (AIDS), atau jangkitan oleh sebarang Virus Kurang Daya Tahan Manusia (HIV); atau
7. Kanser Peringkat Awal, Kanser atau Kanser Jantina Tertentu disebabkan secara langsung oleh alkohol atau penyalahgunaan dadah.

Nota: Senarai ini adalah tidak menyeluruh. Sila rujuk kepada kontrak polisi untuk senarai pengecualian yang sepenuhnya.

7. Bolehkah saya membatalkan polisi ini?

Anda boleh membatalkan polisi anda dengan memberi notis bertulis kepada AIA Bhd. Walaubagaimanapun, membeli polisi hayat adalah merupakan komitmen kewangan jangka panjang. Jika anda tidak membayar premium anda dalam tempoh ihsan selama tiga puluh satu (31) hari, polisi anda mungkin luput melainkan polisi anda telah memperolehi nilai tunai. Amaun tunai yang akan dibayar apabila anda membatalkan polisi sebelum tempoh matang mungkin kurang daripada jumlah amaun premium yang telah anda bayar.

8. Apakah yang perlu saya lakukan sekiranya terdapat perubahan kepada maklumat peribadi saya?

Adalah penting untuk anda memberitahu kepada AIA Bhd. akan sebarang perubahan kepada butir-butir peribadi anda seperti pertukaran alamat dan telefon supaya kami boleh terus berhubung dengan anda berkaitan maklumat penting.

9. Dimanakah saya boleh mendapatkan maklumat lanjut?

Sekiranya anda memerlukan maklumat tambahan mengenai insurans hayat dan insurans perubatan dan kesihatan, sila rujuk kepada buku maklumat insurans mengenai 'Insurans Hayat' dan 'Insurans Perubatan dan Kesihatan' yang boleh didapati di semua Pusat Perkhidmatan AIA Bhd. Anda juga boleh melayari laman web maklumat insurans www.insuranceinfo.com.my atau laman web AIA Bhd. AIA.COM.MY. Untuk maklumat lanjut mengenai prosedur tuntutan, sila rujuk kepada laman web AIA Bhd.

Sekiranya anda mempunyai sebarang pertanyaan, sila hubungi AIA Bhd. di:

AIA Bhd. (790895-D)
Menara AIA
99 Jalan Ampang
50450 Kuala Lumpur
Care Line: 1 800 18 1464
T: 03 – 2056 1111
F: 03 – 2056 3891
Email: my.customer@aia.com

AIA Bhd. adalah dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

10. Lain-lain pelan dari jenis yang sama yang boleh didapati

Sila hubungi AIA Bhd. untuk pelan-pelan lain dari jenis yang sama yang ditawarkan oleh AIA Bhd.

NOTA PENTING:

MEMBELI POLISI INSURANS HAYAT MERUPAKAN KOMITMEN KEWANGAN JANGKA PANJANG. ANDA MESTILAH MEMILIH JENIS POLISI YANG PALING SESUAI DENGAN KEADAAN PERIBADI ANDA. ANDA HENDAKLAH MEMBACA DAN MEMAHAMI POLISI INSURANS ITU ATAU HUBUNGI AIA BHD. SECARA LANGSUNG UNTUK MAKLUMAT LANJUT.

LEMBARAN PENDEDAHAN PRODUK INI ADALAH RINGKASAN PRODUK DAN BUKAN MERUPAKAN KONTRAK INSURANS. KONTRAK POLISI AKAN MENGATASI DOKUMEN INI.

Maklumat yang diberikan di dalam Lembaran Pendedahan Produk ini sah setakat [Tarikh Polisi].